

悅  
親  
樓  
詩  
集

悅親樓詩集卷二十九

丙辰

海寧祝德麟止堂

古今體詩九十一首

熊蔚亭方伯招飲使署盆梅盛發卽席成四絕句

誰辨花光與燭光紅雲白雪遞生香此來本赴山中約  
不料梅花在錦堂

主人豈弟得天和披拂春風著處多昨夜寒威壓太甚  
不曾凍損一纖柯

江西宗派漫評論高啟林逋格竝尊三復歲盟終始句  
知君交誼古人敦

席閒出示梅菊舊作咏梅詩有歲與盟終始孤還有里鄰之句奇闢未經

道人

萬叢不異兩三枝芥子須彌理可思明日我尋香雪海  
君當把酒獨吟詩

同年費芸浦中丞招陪甌北師袁墓看梅邂逅  
夢樓至蘇遂拉同遊得詩四首并呈芸浦

姑蘇佳麗區包納眾山富不逢東道主遊覽願難售大  
賢管湖山餘暉照巖岫忽聞折簡招屢及室皇走征鱸  
連夜發肩負梅花候永叔既追陪摩詰復邂逅左拍洪  
厓肩右攜浮邱袖方舟雙畫橈玻瓈閒綺繡導引紛僕  
從儲侍到脯糗筍糗及藤杖我輩習寒陋卻蒙地主恩  
酸態頓除舊只須辦詩料不必謀醇酎借問遊山人有

此自在不

晴暉瞰寺樓片帆卸木瀆疎鐘出雲外引我興先逐簷  
輿穿石磴蘿葛攀來熟翠巘搖白波滉瀟豁心目吳王  
昔驕淫西施豔羅縠舞破好山河宮中走麋鹿屨廊已  
無聲琴臺亦無曲地爲美人傳山猶蛾子綠誰家此園  
亭高下依巖腹尙書佐軍旅王事正擔局謂畢秋帆登知山  
館春舊雨來停躅弔古物不畱懷人念徒蓄且趁夕陽  
明移舟指光福

樹假將軍馮山屬司徒鄧東都移故蹟未暇考志乘申  
旦戒徒御轉入熨斗柄七十有二峯峯峯相掩映初程  
籬落閒已覺暗香迎愈入花愈深目光流不定危亭踞

峯顛攀陟上孤簷俯瞰聚米堆積雪相胎孕平鋪十萬  
株無起亦無竟邱壑助波濤烟雲結清淨今春邁奇寒  
眾木僵未醒雖遭冰霰摧猶與東皇競常年和煦日又  
當如何盛商略共誅茅於此埋名姓

腳力漸蹉跎山容正婉孌瞠乎瞻雨叟飛逐猿猱健言

有萬峯寺昔賢所遊譙瞥見紫翠頂金碧露明綯一士

翩然迎如鶴不待喚

蔣生莘先一夕宿還元閣相候

相與共凭欄指點

具區半閭中何所有王宋遺行看司李重以詩中丞政

兼善百年此山中屐齒未曾斲流傳獨二公文采有餘

眷寄語槩戟人德豈綿津遜所惜民事殷未遑理幽踐

歸來誇勝賞二日遊蹤徧定知杯酒閒妬極翻生羨

送假婁令黎于岸

誕登

去任之溧陽二首

去矣黎侯可再還好官只在儉勤閒  
衣生弦管未尋樂庭臥桁楊終格姦  
執贄士心忘白屋卷簾詩意寄青山  
他時編入循良傳八首新吟豈易刪

有畱別詩八首

文望高橫粵海秋江邦開道騁驂驪  
相逢正值飛賓雁取暇能來習野鷗  
花落印牀溫茗話醴攜經舍佐羊脩  
迢迢悵望投金灝溧水還通谷水流

題汪心農試硯齋圖三首

寶之如璧賤如甌輕重全憑硯主權  
一自良材歸大雅頓令珠玉避華筵

連屋圖書發古馨拂檐松桂蔭空冥  
人間狂阮雙眸白

不及齋中鵲眼青

自製陰麋自試香呼僮汲取并華涼欲教紅袖摻摻捧  
蘸罷螺丸正曉妝

題汪十庾陔蘭詩屋圖

忠孝分內事不必詠歌宣胡爲東長生獨補笙詩篇取  
義在魯論聖人言色難思柔竭誠敬匪徒絜膳餐每見  
鼎食家婢媼羅匝槃日具三牲養不如菽水歡汪子篤  
天性事親弗遑安庭闈得至樂世務悉屏捐口吟廣微  
句有味乎其言因之構詩屋偃仰度晨昏蘭馨發階砌  
葉綠中心丹愛日無頽照時覺東方暎此詩用鄉飲觀  
者咸感歎勿但自咀咏足溥風化原

肄業生徐

幼學

十二齡舉茂才詩以昂之

老袁未得到公卿爲占名山福太贏

簡齋入學時亦年十二

在昔

逢人交豔羨於今見汝繼清聲  
驕驪德要兒駒養杞梓材從拱把成  
趙建謝廉尤可學通經奏拜有餘榮

四月十六日宿雨初霽趙鑑堂太守王蠶臺張

雪舫兩明府邀陪劉雲房學使遊芥山王氏園

### 林二首

麥秋時節乍晴天穩放龍潭渡口船  
吟興自來攜笠屐遊人今日避旌旃  
冰壺玉鑑清暉朗五馬雙鳬妙蹟聯  
著箇野鷗同泛漾名園淥水句憑傳

未妨冠蓋狎禽魚倚遍雕闌縱目餘  
雨霽倍添山照耀



樓高不礙樹扶疎談因往事頻傾瓊坐到深更尙攬裾  
送客莫教然炬火穿林銀魄滿庭除

宿王氏園曉起重登皆山閣展眺畱贈荔亭主

人二首

興爲看山發山光卻在園開筵同假許送客獨畱髡魚  
躍銀燈瞥蟾低玉樹翻底須謀枕簟舊雨有蘭言  
夢覺鼃聲歇披衣看水紋山宜朝爽挹閣值雨峯分我  
眼迷青草君家住白雲流連終欲去牽挽漫殷勤

崧峯

布顏

按察引疾還都送別二首

一別卅年久相逢欲斷魂各驚鬢鬢改猶喜語音存涕  
泣論前事低徊感

主恩汪倫亦情重爲我特開尊

正月閒遊吳門寓居硯香司馬館舍爲余設席

邀君劇談  
別後情事

滇楚官聲美三吳節乍臨如何移疾疏遽動思歸心別  
恨有萬緒行裝無一金眠餐善調攝終待汝爲霖

寄俞潛山 思謙 二首

憶余初識君乍應童子試卅角垂雙髻未諧縞紵事名  
駒已汗血館舍喜鄰比省我日百回健足往來利自茲  
歷宦出處程途異不覺卅餘年聚散幾番記昨讀自  
壽詩君倏六旬眉乃知我亦衰弱君纔六歲素友如麗  
人那不申眷繫麗人旣皺面情輒生厭棄獨於良友朋  
到老愈有味何況文字交沆瀣本一氣愛而不可見思

君轉自戲安得拔霜髭還我舊童穉

我官京師日君實居里閑乖離固其所何處展歡讌歸

來已六春仍未謀一面疎慵賴子恕閒閑不余譴聞君

勤著述矻矻手未斷名山不朽業旨以利達換說書訂

今古注易玩象象五經束高閣疇復丹黃辨

同春古

學者庶幾共點竄夏間詩興豪風月供研鍊感懷沈休

文緬想桑維翰

君爲椒園散甫  
兩先生高弟

老輩久云匹誰歟作吟

伴商飈待薦爽一舸還鄉岸弗嫌款啟愚相與發問難

雷峯子

軌

謁我於松江感賦成篇卽送其之贛

南觀察署

九原何處求形似叔敖不作中郎死虎賁優孟想威儀

何況所生鸚鵡鳳子當年見汝襁褓中汝今七尺鬚眉雄  
汝翁夙有譽兒癖不見幾疑所譽飾今朝一睹冰玉姿  
令我未食忘朝飢上堂拜跪下堂揖詞氣怡然敬父執  
語長不覺雜悲歡首問田廬次學業明晨結束衣冠罷  
僂欲起居乾阿嫻山妻一見呼小名自向盤餐調酒醢  
汝今小住莫倉皇老輩於今半在匱汝翁遺事在人口  
其瑣屑者惟我詳迢迢巫峽三巴路白狗黃牛風浪怖  
自言觸險幾碎舟賴有神明暗呵護贛州東上萬安灘  
此去還歌行路難官衙賓從皆烏合慎勿拋書狎綺紈  
連雨葉甥笠人過畱信宿昕夕論詩題其白鶴

山房吟稿後四首

梅雨變愁霖癡雲不散陰龍潭三尺漲漁浦幾家沈墨  
輭難磨硯弦寬漫理琴不逢君弭楫何以解煩襟

競爽名俱美甥乎張一軍經從韋幔授詩自鯉庭聞緒  
業原非淺才華迴軼羣前賢不可作片席許人分

學海無邊苦嘗爲舉子憐時文甘汨沒古詣罕鑽研似  
爾真超俗吟詩輒廢眠科名亦何礙終著祖生鞭

追風神驥力蔽日豫章材袖裏一編出蒼然萬象來王

維夢

樓既宏獎錢起

汀竹

亦交推虎帥誰能犯繁枝自翦裁

附  
和作

葉紹本

今日平原里當時北海鄉鱸堂新化雨烏府舊清霜  
幸隔三江近何辭一葦杭授餐兼問字晨夕意難忘

天與扶輪手騷壇建鳳旂神鋒干辟劒仙骨五銖衣  
面壁功誰及穿楊詣入微偏師多宿將未許哭重圍  
道在門何峻身閒望愈高丰裁尊夏日然諾愼秋毫  
業已傳緇素榮寧羨節旄東華塵十丈袞袞憶同曹  
卅載沈冥感狂歌葑水湄嘔心徒白嘆具眼得公知  
慷慨論文酒殷勤薦士詩焦桐今綠綺涕淚爲鍾期  
兵備署中遲松雲硯香不至

相期同醉孔融尊百里風帆滬濱邨盼斷木蘭舟不見  
一天涼雨又黃昏

寧圃觀察邀遊滬城淹畱旬日預斯會者並著  
於篇

余雖謝簪裾未嘗遠塵市端居老學菴卻少跼然喜何  
來桂檝相將迎云是故人觀察李觀察昔守白苧城余  
適經帳開華亭主賓三載稱莫逆一別江水空盈盈近  
聞得美除棨戟臨舊治陽春腳展不動移喬木陰濃多  
蔭芑正思訪戴登畫堂聞招那不馳風檣四方冠履況  
輻輳來者箇箇能文章汪侯香勸汝一杯酒我有新篇  
爲汝壽蓬萊故侶著作材秣陵松雲辰谿桂堂雙郡守主人  
坐鎮瀛海壘禾黍雨足桂苻刪地僻但愁客稀少官高  
轉得身蕭閑轅門鼓角聽三弄檀版金尊任豪縱笙歌  
羅綺不快人搖筆欲令山嶽動一從我輩聯翩集倒意  
傾情若不及談到三更月偃眠畱經十日猶維繫此樂

動論千百年聚星堂畔黃樓前座中幸有顧陸手

康孝廉

工寫照

豈無圖畫堪流傳炎官礮殲火鞭赤畫師莫畫馬

周色漁樵軒蓋雖不同遊心都在清涼域

贈長沙僧寄塵

身寄紅塵中心摹白雲裏道人脫禪縛墨行而儒技自

言產衡麓齟齬讀書史傳衣湘水濱振錫珠江浹達官

競招請裘馬壯行李目中無公卿腳下有山水賦詩敢

鐫石

僧詩石刻甚夥作畫第濡指

工指畫小景笑惠崇清詞敵齊

己臨池尤自豪旭素不足擬興來風滿袖頃刻盡百紙

昔逢虎邱刹今遇滬城市翰墨紛然投壺觴連日徒僧

家學酸餒習氣良可鄙師能自埽除矯枉亦近似曷不



冠其顛俾與士夫齒不聞昌黎云聰明識道理

發上海歸途卽事

浦溆停商舶原田種木棉腥風通海氣曠景豁雲天岸  
曲帆隨轉橋斜樹帶偏近遊師束皙歸夢覺流連

晚過龍華寺

一塔如相引龍華路乍經潮來蘆港失雨過稻陂醒樹  
影移黃浦鐘聲入泗涇船窗未孤寂伴我有流螢

舟中早起卽景二絕

霞升碧海隅月落蒼烟裏負耒出荆扉田家人已起

北郭穿西郭長橋接短橋家家門竝蒲浪切水處處路通

潮

鑑堂太守餉鮮荔

露葉風枝隔瘴雲，饒夫珍味想徒殷。冰肌忽訝仙姝近，

玉液初霑太守分。今歲楊盧猶不見，

正月月初旬大雪奇寒，凡楊梅枇杷之屬皆凍損無一結實者。

當年江宋只空聞。

往歲使閩已過小暑，嘗鮮荔未嘗啖一顆也。

新豈獨炎威滌，兼喜慈航息海氛。

近日海盜屏迹，商舶得達。

食荔支有懷樹齋旅寓潤州卽用氛字韻

朝吸江光暮嶺雲，霸陵誰識故將軍。卽看絳荔千帆集，

猶憶冰盤百顆分。

眷舊恩波瞻曠蕩，加餐書札寄殷

勤。遙知報

國丹心在衾枕，時時念楚氛。

時方用兵兩楚。

聞樹齋將來松喜而有作

君去茸城閱一年，滿營軍士盡皇然。關前楊柳休攀折，

天上雲霞易變遷寶劍終當爲世用綈袍寧肯受人憐  
相逢莫話升沈事多恐閒愁到酒邊

白鷗池賞荷

訪荷何處多多處僂鼓楫言有白鷗池停橈款戶入鏡  
香亭畔行雲錦機前立其旁竹樹蔭其下龜魚蟄風過  
翠欲翻露宿紅疑溼正色不敢干清芬如可吸小園開  
十畝明豔傷原隰耕夫亦倚闌邨婦偶行汲不可無我  
來題詩灑墨汁急雨霑蕉衫采葉當簪笠

歸至沈氏園小憩偕張悔堂遠春兄弟集顏蘭

谷

桐浣月壺玩新月復成四律

攜侶還探勝清遊興未窮穿林霑竹露臨檻受荷風稻

壟高低接茅亭曲折通紅衣漂泊處試手折蓮蓬

腳底乘潮快壺中浣月虛聞名堪避暑好古乃摹書

鈞張文敏之字琴韻揮弦亮棋聲落子疎猶能同作劇莫以老

欺予

闌入人無俗謂王太守吳明經高談日正長弟兄皆競爽兼謂顏文

堉衡宇總相望簟展琅玕色杯浮琥珀光盤餐出中饋

真味敢輕嘗

新月西南挂娟娟曲似鉤玉簫何處起銀燭且教休魚

噴疑殘雨螢稀覺早秋明朝牛女夕便擬泛槎遊

爲桂堂題荔支石

荔支化石石作荔千年地肺幻靈異皮皴色紫脈理麤

其中疑有仙人膚堆盤我正擘輕紅君來索句一笑同  
米顛不作誰可友與爾論交結永久

上有寶晉齋印

詠史

并引

自劉宋逮蕭梁之際才人學士接躡比肩藻麗有  
餘名檢不足空媿陶潛之柳莫問商山之芝其身  
事一朝者或以險躁取戮或以容悅覆邦敗德之  
累更無譏焉錄其名尤著者韻之得十絕句

寶鈿華裾飾翠娃阿家廚乃貯薪柴空令史筆傳東漢  
如此人何不早埋

范蔚宗

封禪遺文奏所忠琅琅熟誦藝誰同拍張歌舞琴琶座  
不見當年謝侍中

王儉

齊臺未建已傾心黃襪虛叨付託深一事卻徵堅定力

不隨面首黷山陰

褚淵

瑯琊才地本風流卻盼車前列八騶鄧禹不知通塞事

笑他對簿自稱囚

王融

騎兵未礙屈蕭公善謔猶存豪士風刀敕紛紛諸鬼嘯

如何曲意結梅蟲

任昉

西邸周旋意便親東郊卜築夏爲鄰豈知夜半黃油裏

持送征東待此人

范雲

苦望台司革帶移赤章騰奏把天欺平生最是難堪處

重對齊官老妓師

沈約

匹布徵人八百梨吳興也賦數千雞從來黷貨有如此

可冒終身巖壑棲

謝朓

博通經術如劉向客齋珍羞異石崇一客延來梁祚盡

依然牖下贈三公

朱异

名總還曾字總持玉溪詩句最堪嗤瓊枝璧月新聲裏

可憶重雲聽講時

江總

墨花詩

并引

長安王兆熊由進士科作宰其未第時曾於除夕

見硯中餘墨作花形如竝蒂牡丹爰繪圖以爲科

名之瑞介客索詩

飲罷屠蘇感歲華硯田忽地現空花固知富貴原如幻  
但說科名底足誇彩色曾傳夢中筆天葩同散佛前茶

兩重公案憑誰印自喜靈根長道芽

遠春餉蓴菜并索詩

木落細雨中秋聲方在樹端居苦蕭瑟獨飲寡情趣陵  
晨食指動疑有異味遇鄰友餽羹材滿盆紫翠聚俯身  
僂撈捉柔滑手難措亟呼厨孃烹鹽豉要調絮六年客  
松江夙抱菰蓴慕泖湖絕根葉千里名空据今古或不  
同竟被陸張誤今朝拜珍貺一快秋風筋未知摻摻手  
采掇自何處食罷尙流涎欲報無佳句

以禾中南湖蓴報遠春

南湖蓴芰太湖蓴風味兼宜八月辰著手莫嫌稜角利  
試嘗烟雨一番新



歐北先生七十壽詩三篇

學山必華嵩學水必江漢生民有等倫賢者乃自見古  
來三大事功德言從判兼收固大難得一已堪羨以公  
開濟才出必勲庸建無端中道休不答

聖明眷叅軍膽畧雄作郡政聲善竟從觀察階力謝公  
卿薦同年孫仁和已入名臣傳彼享竹帛榮我遂山林  
願卻看言與功匹敵夫奚憚細讀自壽詩一辭真莫贊  
通儒不世出俗學多莽鹵近代著述家我取顧炎武先  
生稽古力史冊櫛腸肚貫穿四千年精微集條縷博物  
張茂先刊誤劉遵父寧同點黜流沾沾事訓詁先生著  
有餘餘  
叢考四十三卷今續編又將告成  
體例與顧亭林日知錄畧相似  
歌詩與尤健一空

人語曲折善言情沈雄工論古有書必搜討經用無臭  
腐出入唐宋間獨自樹旗鼓流傳遍天下騷壇奉盟主  
豈知衛武公矻矻猶攻苦

今春乍獻歲戢柅姑蘇州追陪踏冰雪探梅西山幽手

拋綠玉杖趨捷超猱猴翻令屈步蟲時抱瞠乎憂茲逢

弧矢慶稱觥遍朋儔堂堂兩開府

蘇撫費芸浦晉撫蔣  
皆先生禮闈所

錄門下添雙籌鰕生不足齒末至徒增羞卻荷提攜德

期泛西湖舟夏擬指合蕩未到神先游仙人胡麻飯包

裹作糧餽粲粲五色芝滿把靈莖收蟠桃未易熟一笑

三千秋

重九後一日偕心蔣遊橫雲四首

有生樂重九眷焉懷茲辰澤國罕幽踐舉俗趨橫雲我  
亦期諧俗攜挈無近鄰言有素心友同爲羈旅人招要  
發清興隔日避囂喧扁舟載酒肴談笑得其真天宇廓  
澄霽雨餘景色新何必思華嵩有山皆足欣

山高不十仞亦自饒石竹石瘦骨含靈竹深陰漲綠東  
莊旣蕭條西廬亦傾覆人事會有涯何須嘖華屋山容  
常不改振衣散游日蒙霧盡埽除隆窳妙起伏平居斗  
室中醯醢處甕腹卽事良已多誰能更拘束

山中多桂樹茂密欲成行遊人競攀折枝禿身且僵嗟  
彼濯濯姿以薰乃自戕不見松與柏歲寒自青蒼卻喜  
雲鷺菴雙株獨昂藏摩霄撼石壁滿樹金粟黃敷衽坐

磐陀顧瞻增慨慷萬物苟無主焉得保故常

巖麓旣畢周意行向阡陌萬頃穠稔寬垂垂盡結實歲  
功幸已成收穫期將迫道逢耕田夫相與談稼穡自言  
生隴畝敢辭作苦力有秋報普杼意氣殊自得吾曹何  
爲者破硯苦覓食子能學長沮我其爲桀溺

紀夢仿義山體寄寧圃

初夢扁舟到海堧青林紅樹兩新鮮旋登華屋開珠箔  
菊秀千枝彩豔攢瞥見庭階羅翠盎亭亭正擢素心蘭  
洞房曲室隨周步賓從無人竝我肩忽仰瓊樓天半聳  
君升我止絕攀援漢書數帙陳綈几古本欣然信手翻  
何處鐘聲來下界碧桃花滿綠窗前恍惚疑逢終是別

迷離欲住又仍還覺來斜月橫窗角獨聽瑤琴鼠觸弦  
吳復齋秀才始啟以采藥圖小照索題披視則  
道裝危坐長松下貌既不類圖亦絕無采藥意  
戲書七言一篇歸之爲畫師解嘲

長松落落舞虬龍磐石嶄嶄蹲羆熊有人趺坐道氣濃  
黃冠褰拂雙方瞳望之不以儒素風子昔讀書墳典充  
活人兼有和緩功神仙本與醫術通韓康逃名怕姬童  
故寫變相藏眞容霜清露白景物豐何不采藥崔嵬峯  
我能布韞青鞵從手提鵝鋤背簪籠邂逅毛女及赤松  
箇雨不若無一逢白苓赤芝黃獨叢隨意刷取鹽別工  
歸來貨賣塵市中我爲長房子壺公一跳竝入巢雙蹤

壺中天地長無窮不用苦救疲羸躬復齋嘗爲我療疾故云子如  
有意許阿儂儂當待子句曲東逍遙眞侶將毋同

追題耳山中丞武夷攬勝圖遺照

憶昔承恩同握節我向西川子東粵青門分道各揚  
鑣馬上吟詩揮手別歸來四庫編石渠右文盛治伊  
古無子旣衰然領著作我亦襄事儕羣儒無諸國裏烟  
霞藪樛梓杞柑任選取持衡先後策輶車卻媿青山我  
獨負武夷仙人抗手招子乃躡屐攀嶠嶢煎茶韻事讓  
子占我方橐筆東華朝最後微聞山畔行校書同日起  
陪京縹緲疑字朝朝質杯杓香醪夜夜傾我伴樵漁返  
鄉國中台獨坐瞻風力豈知明歲再出關已充地下修

文職君卒於瀋陽腐儒生涯非不重有人穩食尙書俸謂曉嵐紀  
大司馬與君同爲四庫總纂茫茫何處爲招魂細數前遊增腹痛今  
日重披攬勝圖幔亭峯色雨模糊未看華表歸仙鶴但  
聽城頭啼夜烏

蔚亭方伯以公事來松篷窗話舊翦燭開尊遂  
至達旦別後奉寄四十字

送客月初上客舟緣我停脚躡永今夕爛漫倒清醕不  
覺東方白終看老眼青蒹葭秋水遠更與溯遙汀

蔚亭以虎邱覽俗詩八首寄示意謂吳俗治遊  
富商大賈雖糜費物力而無業貧民口食有賴  
玩繹詞義所謂詩必有爲而作也因和四首

虎邱名刹占青峯寺外山塘七里衝百貨市廛如海幻  
三春遊女比花濃珠樓繡閣憑空起錦纜牙檣逐處逢  
不是揮金買歌舞慳囊容易灑吳儂

風月天如巧斡旋暗中損益有機權漢家早弛軍營禁  
管子曾收夜合錢駟僧一毛憑拔取遊民萬指賴生全  
太平景象繁華地膏澤流通本自然

賦罷吳趨賦狹邪十千美酒百千花朝朝暮暮權蹤續  
歲歲年年冶興賒但使閭閻無凍餒未妨風俗習豪華  
水鄉已少閒田地何處催桑夏勸麻

按轡宣猷驗土風八篇詩律唱玲瓏大官威令防騷擾  
赤子生涯酌變通因地制宜聊復爾不言所利在其中



笑他多少憑闌客但解鶯花琢句工

太子太保大學士伯孫文靖公挽詞三章

早年康濟矢丹衷直到綸扉贊化工使相威名戎索

懾諸侯封爵

詔書崇

安南之役已錫公爵而復停封及薨由男爵晉伯以公禮葬

臯夔未預干戈事韓白曾無黼黻功文武兼資閱達器

徧繙青史幾人同

健行

君得服勤臣奇遇奇才兩絕倫八面能當無對敵五官

竝用有精神子公出塞軍由護德裕籌邊事必親今日

大星投帳外

公薨於平塊軍營

定知巷哭幾州民

記同獻賦謁修門交誼忘年結弟昆韓尉晚香看勿替

散容殘客媿猶存論文未就千秋業飲水還思一勺源  
余主雲間講席由公總制兩江時所薦引從此臨平山下路猿啼花發總銷魂

### 舟暮

楓醉霞爲色蘆乾雨作聲窮秋皆好景熟路信孤征帆  
飽檣疑脫船過蘄自鳴未知邨遠近似有爨烟生

### 過邨聚戲書所見

船頭鳴金鉦水手警巡慣兒童岸上立拍手呼羣看眾  
犬亦隨吠人狗聲相亂舟行力愈駛兒躍叫彌健追逐  
不知疲已過半塘半忽轉小橋灣人狗俱不見

### 還鄉

豈是無家別還鄉一客過天寒霜雪晚歲稔稻梁多邨  
落小於彈光陰老似梭千竿龍里名山竹息影竟如何

喜晤蒼林表兄於玉禾堂

一廬居似浣花邨修竹環溪水到門詩派自唐兼及宋

經箱無子好傳孫尙書存問情何切

時出曹竹虛司農橋梓尺牘見示司

農子振鐻官庶子其授業生也

冷宦歸休道益尊廿載乖離霜鬢改素

心重擬把卮論

附和作

查祖香

無幾人家占一邨偶然開徑客臨門十年宦跡雙蓬  
鬢五世書香三穉孫詩入肺腸因筆妙名畱壇坫比  
官尊相逢且盡杯中酒飄瞥聲華更莫論

荔枝合璧歌

并引

桂堂太守嗜石既得荔枝石而寶之繪圖以廣題  
詠頃遊杭州復得一石於湘圃阮翁形似核桃乃  
作荔枝合璧歌好事者爭和之阮翁吾浙學使芸  
臺閣學之尊人也

艮爲小石爲果蓏大易根源宣示頗可知世間物類本  
相通說卦所詳非瑣瑣君家門外九峯小似拳賞覽未  
足開心顏他山之石廣購蓄雅癖不減襄陽顛初傳荔  
支圖一捻紅堪噉杭州偶謁萬石君贈以核桃看不厭  
二石形質皆絕奇未知何代相畱貽得非唐宮曾博玉  
妃笑漢殿還經王母攜大令帖

王獻之有  
胡桃帖

端明譜合之

雙美精靈聚坡公九華終未配仇池此獨黃琮兼白琥  
君本磊落人豈屑屑蟲魚親借此發揮才藻逞游戲  
連珠疊璧詩篇新案頭錯雜列山骨非兄非丈皆宜覈  
周禮其植物宜覈物聘桃嫁李雖自結因緣畫餅望梅未必療飢  
渴 朝廷郡事將付公請勿戀此怪石供我當焚畫碎  
石學穎叔免使牽連海柏山中松

和別眼鏡詩

隨園老人年五十始用眼鏡及八十而目轉清朗  
因作別眼鏡詩索同人和

天還老眼八旬強轉勝當年要借光撥霧披雲花底看  
收輪疊轂匣中藏那須矐目篇重反

近國北先生作反矐目篇壽王西莊

光祿光祿行見仙腫角漸方遙想玻璃窗格下送君初  
瞽目重明不黯然傷

南湖月夜枕上作

晷短歲云徂宵征糴孤縱由拳城外路浩渺失葭葑月  
色浸湖光天宇倍覺空市廛隔岸浮樓影中央動此時  
清絕意我與姮娥共斗移樹頂斜霜壓篷背重推窗屢  
凝睇際痒難忍凍滅燭自吟詩宮商協操弄曠然肝肺  
閒冰雪堆頤洞潛鱗或知音沙鷗好同夢

偕蓀林蓀友兩表兄赴杭會弔文靖公途中感  
賦二律以補前詩未盡之意

竝舫長安垣口津故交絮酒待親陳渭陽門出無雙士

公夙受業於舅成季勲為第十人  
國初已來漢人列

氏查莊先生  
爵五等者黃芳度岳

鍾琪公張勇施琅侯趙良棟許世亨伯王進寶陳福子

梁化鳳男及公為十人桐城張文和總兵柴大紀旋封

旋削者儂有閣中游息地儂自有閣為查氏書  
孫公園

不與焉裏謙談春孫公園京師地名也公邸  
而今頓覺風流盡

暗數前蹤一愴神

身備榮哀地絕攀子孫延賞爵重頒名臣傳在親賢右

異姓王應伯仲閒謂福郡王與公同封  
那免孤寒齊下

泪并饒著述可藏山人生數十春秋耳同此浮休只等

閒

西湖

廿年不訪武林春風景霄騰孰共論南國已憐同調少

西湖也抵故交親亭臺是處丹青剝山水依然面目真  
畫舫盈盈明鏡裏卻差照我鬢絲新

南屏山訪心上人不值

松屏竹徑窅然通獨自支筇訪慧公一箇殘僧擔水返  
犬聲遙吠綠蘿中

赤岸道中舟暮卽事

寒山多刻露霞綯明於畫閃爍黃金盤忽墮蒼巖背白  
雲自來往搖曳作姿態容容赴松林遂與暝色會孤輪  
升碧天落景遙相對北斗挂離離眾星出復晦明流盪  
雙槳波動月光碎水聲枕席上人語沙洲外眼前遠塵  
滓胸次絕滯芥扣舷一高歌山靈幸勿怪



過秀水追悼汪雲壑殿撰

翾羽音初矢邪蒿論豈乖外孫真絕妙

君外祖金海住侍郎王戌會狀

直上書房

宰相未安排奇意青霞鬱芳標玉樹埋孤

墳雖宿草那遽釋悲懷

周芑兮明府以所刻杜詩雙聲疊韻譜括略見

示因贈一篇

孳乳生字形體全形聲相召天籟宣六經節奏每調協  
有音無韻出自然漢魏而降尙翻切周沈繼作畱遺編  
其時南北悉通曉蓬萊裴或東田顛神珙後起列字母  
以縷貫琲緡穿錢宮商清濁作紐弄雙聲疊韻因連綿  
此祕非由西域授權輿實自三百篇開卷叅差窈窕見

豈待元瓠礪編傳唐去六朝猶未遠詩人往往爭討  
杜陵聖手靡不有規矩誠設衡誠懸屬對妃偶妙經緯  
神明變化超蹄筌由來律取師律義前茅後勁傳中權  
又如樂律貴繳繹不和焉得聲淵淵一千餘年孰闢發  
濂溪夫子門乃專三十六母口張歛二百六部音蟬聯  
尋章摘句各有合浮聲切響都無偏豈惟飯顆得知已  
絕詣并導迷津船先生嗜古薄榮利五車四庫供漁畋  
作唐一經漢三史體大物博追前賢凡將小學特餘緒  
游心已到風騷先齒牙喉舌我亦具其柰蹇澀多拘牽  
齊梁韻譜目未睹華嚴梵夾心徒虔昔年烏珠  
字頭國書  
靡學習搖屑挂齟非清圓吟哦但作僇楚語讀此口角

流長涎逝將從君勉卒業老矣難著驅羊鞭竊喜新得  
誦詩訣一掃毛傳康成箋

偶成二絕句

婦悍惟應說李陽兒啼還與怖桓康腐儒姓氏無人怕  
只合名山深處藏

情動於中乃有聲悲歡都是不平鳴笑他索和求題者  
下筆何關我性情

悅親樓詩集卷二十九終

男志箕校字

悅親樓詩集卷三十 丁巳

海寧祝德麟止堂

古今體詩九十一首

初春發舟

忽發近遊興登舟不用扶身閒諧節物人老怯江湖草  
碧晴初見柳黃淡欲無春風雖自淺次第入花鬢

曉過惠山

客路春帆遠帆前野色昏太湖浮水氣落日蕩烟痕泉  
擔往還歇市燈高下繁香醪雖獨酌價賤不須論

常州呈甌北先生

著書各自掩荆扉隔歲從遊見面稀身後聲名終寂寂

老年師弟倍依依憂懷通昔知難寐

時五郎疾病故用第五倫事

藥

事逢春且莫違曾點夙叨狂士契流連風詠欲忘歸

爲趙五鎮安題滄海觀日圖三首

載書滿船一女郎蕩槳

乍似樵青把艣枝又如米舫逐波時異書美女人間樂

縱涉風濤也不離

豈獨沿洄溯十洲丈夫懷抱與天游手探初日如雞子

繫纜扶桑枝上頭

家近京江得壯觀廣陵八月雪濤寒

以揚子爲曲江不御製文

須七發談枚叔胸有滄溟萬斛寬

時君方臥疾故云

常州守令諸公譙我於艤舟亭觀東坡洗硯池

南有震澤北大江烟巒雨嶂連崆峒毘陵郡城介兩大

自昔亦號雄繁邦卻少山水供眺覽市廛邨隴聲羣咙  
城東小築稍幽勝行人每過窺船窗太守延賓縣令挽  
維我續於疎柳椿行廚夙戒治具備提攜擔簦肩羊羸  
八門松篁互掩映森羅怪石瘦且厖橋邊樹根擁栲栳  
檻外帆葉移舴艋林亭位置亦可喜祇宜漁父安釣矸  
譬如衣笥乏錦繡犢鼻聊復懸竿橈豈知中有洗硯池  
方隅廉折殊鬻缸云從顧塘橋名孫氏宅遷徙重煩力士  
扛憶公流落嶺海外北歸始過樂石瀧人傳已死竟虛  
語買田陽羨思耕耰寓公倉遽返兜率郡人薦奠羞蘭  
茱偶然此地貽滌器筆花翔舞流淙淙一勺波濤雄萬  
斛氣勢直可江湖降

帝鴻墨海況矜寵

亭有御製扁及詩

羲之墨蹟安能雙摩挲

不敢汚手汗恐有黑蛟飛起驚魂慢我當更往金焦訪公蹟酒闌津鼓鳴逢逢

潤州贈研香太守于岸明府

相思命駕辱逢迎疎雨寒烟鐵甕城恰好春韶無箇事早知地主盡多情山川自帶英雄氣郡邑惟聞琴鶴聲回首五茸芳草長轉憐惆悵句難成

二君曾權松江守令

讌集快雨堂夢樓出家伶奏伎卽席成詩并效

其體

話雨曾棲快雨堂廿年惟有舉頭望唐碑晉帖書家味玳管銀箏樂府香檻外簷簷滋舊綠尊前羅綺換新妝

悲歡莫道都如夢似此歡娛得幾場

茅耕亭學士邀遊焦山偕夢樓研香暨謝薌泉

侍御

昔我乘危風指顧失浮玉健步焦山椒炎天坐寒綠重  
來二十霜徑路宛然熟不改一江清所惜萬樹禿攀躋  
吾未暇徑入蝸廬腹曲榭總臨流雲天騁遐矚是日風  
意和鏡面皺纖縠帆檣影不歆鳬雁戲相逐當年命酒  
處今日杯重屬滿坐皆素歡舊攜一老獨謂夢樓昔會同遊芳  
尊恣傾倒鷗背明霞浴海門一線白夕照正迴燭清談  
那遽休好景況含蓄太守且言歸吾曹謀信宿

由自然庵步月至借庵方丈茶話

借庵詩僧余同里人



暝色不歸山空林纖月上江光發浩白一槩得清朗信  
步行砥街結構忽開敞突兀金殿容班駁石坊榜淨地  
不敢匪聞香叩方丈我非坡老才事與巴人仿房坐贊  
公幽句聽齊己響庭前蒼雪墮寒梅倚翠簫室內寶光  
騰姬鼎兼漢盎乃知清淨福都讓山僧享夜闌鐘磬寂  
軟語相酬賞却有元暉詩已入非非想

薊泉詩  
先成

宿文殊閣與夢樓對榻夢樓終夕趺坐

月色沒鷺磯江心旋漁艇遊人腰脚倦亦宿招提境檐  
前星斗搖枕上波濤迴等此夢寐身我昏彼獨醒莫言  
彌勒龕仍是對床景

晨起卽事

曉鐘聲乍殘山禽啼不歇披衣上高閣東昇看初日疏

璃世界空萬丈赤光潑纖翳不能著金鴉閃背瞥盪顚

未及已霜霧張

去聲

恍歛松寥頓不辨銀蒜夏難別豈知

蓬島煙吹作秣陵雪轉瞬卽開朗暹晶照毛髮咄哉江

海中陰晴善變滅茲遊復何恨旦暮景畢暝所惜梅信

遲閨年物候失似聞海門庵兩株獨先發造訪安可緩

香豔果雙絕竹外正徘徊有客攜琴謁

畢汝山明經

幽興一

胡併相與望數闕成連移我情湏洞海天闊

### 出山口占三絕

漢隱祠堂古洞邊梅花如夢草如煙大江風月三千里

借得僧窗一榻眠

竹閣松扉涉歷曾此間端合住詩僧白雲尙向蒼巖化

何必同舟感李膺

丁酉使閩借戈東長侍御來遊方丈檐雲亦余鄉人能詩今東長久逝而

亦

未能佳處結茅庵口詠坡詩感惠脩我本無田歸却早

對公惟此不懷慚

遊甘露寺

古刹背江開風煙日夜來萬山環屏

上聲

障一角聳樓臺

吳楚形全得孫劉事久矣登臨無限意潮打暮城迴

薌泉侍御罷官來遊揚潤閒余至京口舟將發

矣復以余故淹留臨別作詩三首卽送其遊攝

山

不必石尤阻欣然爲我畱相逢原邂逅相見倍綢繆美酒京江市名山漢隱遊萍蹤那可料芸館舊朋儔

兩度星軺寵江南有夙緣掄材雙玉尺搜粟萬樓船蘇

曾以典試巡漕來此世態窮方見詩城老益堅中冷碧波水依約

似當年

昔有明僧紹棲霞遯跡深至今著薛合曾荷

翠華臨攬勝乘春色哦詩挾古心袁安猶健在杖屨好

相尋

謂隨園老人

句曲女史駱佩香嫁於龔而寡寓居潤州工吟

詠爲簡齋夢樓兩公女弟子往歲女史曾介簡

齋求余題秋燈讀女圖茲夢樓復以其所著聽

秋軒詩刻本見貽舟中讀之清微澹遠佳處直  
逼王孟絕句亦頗近王仲初當爲近日閨秀之  
冠爰題三絕以誌歎賞不必示佩香也

論詩不必苦分疆氣味終須細審詳慚愧士夫多祖宋  
却看閨閣未祧唐

一卷清裁百首詩挑燈展讀夜遲遲二分明月三分水  
如聽湘靈鼓瑟時

不障青綾慣屈竇自家忘却廣寒身豈知月姊詩天外  
果有光輝冷照人

春日偶成

一到春來景物奢化工餉我正無涯六塵漫道全無染

聲是啼禽色是花

庭前玉蘭盛開

滿樹辛夷花氣烝風姿爲玉色爲冰不宜仰看宜平視  
獨上高樓第一層

寧圃觀察偕蔚亭方伯督浚婁河聞於工次聯  
吟不輟詩以寄懷

萬指爬梳敢不共早春興役未妨農重煩大吏經營及  
恰喜詩人興會逢鼙鼓聲中聯唱和桃花浪裏舞魚龍  
戴工還送行旌去尊酒遙知別思慵

方伯已移  
任皖城

三月十五日嘉興道中

最好由拳路孤舟容與閒三春彌有水百里曠無山

種漁家下桑條蠶婦攀今宵明月滿定喜蚌珠還

雨中偕芑兮潛山遊陳氏安瀾園六首

那惜衝泥淖名園北郭邊

六龍頻莅止司馬好林泉

園爲文簡相國別業故以獨樂園比之

御扁輝金碧

天章叶管弦禽魚望

幸憇又隔

十三年

問梅論畝植觀水有源尋花與雪霜古池通上下深假

山皆邈迤喬木更陰森倚樹發長嘯臨流清我心

豈是貧簷谷幽篁曲徑通方圓栽个个紫翠色叢叢綠

雨滴衣上筠香來屋中輸君鄰近在消夏借清風

宛轉循山麓流連滯水隈潮聲通石

久花香襲吟遲鳥語催獨遊已可喜況許鄭虔陪  
惜少玲瓏石高排甲與丁米顛難下拜李醉幾曾醒山  
水都平遠房櫺亦嬾婷何當具區畔補采百株青  
園要兒孫看遊人轉歎咨渠無何堂福文簡之後已絕  
也我乏買山貲蕩落拋鄉里蹉跎閱歲時但期雙足健  
常此叩樊籬

里中卽事

童時遊釣地不厭百回過桑葉連畦密藤花繞樹多春  
雖憐造次我且暫婆娑野老來相覓欣然倒白醪

新修葆光居落成牡丹盛放二首

頻年漂泊任東西宅舍三間傍碧溪棟折已難蘿補屋



梁存并少燕銜泥敢云堂構能無忝從此琴書畧可棲

安得空中樓閣手悅親穩步上丹梯悅親樓倚無力完葺頗有漂搖之患

牡丹連夜發庭枝似許韶華獨占私燕雀賀兼蜂蝶喜

花神情要主人知今歲花較早直從暖日和風候看盡將開

欲落時惜少煙波垂釣客紅霞影裏共題詩謂初白先生筌簞蓑

袂平生夢臣本煙波一釣徒先生經進句也

潛山以所著詩稿見質中有石鼓及焦山古鼎

二歌詞特奇鬱因贈一篇

湯盤禹鼎不可追周京法物猶畱貽鼓耶鼎耶閣浩劫

北居太學南江湄鼓從唐代見歌詠韋韓兩作爭厓屨

文王宣王終莫定徒尋吉日車攻詩鼎之蹤跡最難出

隱於嘉靖彰康熙新城募拓穆倚釋銘辭古質文委蛇  
勒成武功聿耀德對揚顯命爰受釐二事均關家國大  
非同玩好羅尊爰潛山吾友性嗜古拱揖賈服攀冰斯  
昔年繭足踏槐市摩挲十鼓兩手胝四百餘言字字繹  
因考其地兼其時時逢春陽華亞若地乃綰轂當汧岐  
榛苓美人旣不合鴻雁令辟亦可疑謂是秦文遊獵路  
舫舟沂渭歸西垂欲與韓蕪鼎足立姑樹一幟驚羣兒  
据依經史出新義誰敢鑿空張鸞嗤歸來高臥東海涯  
鼎銘恰遇山僧諮投其所好色軒舞金壺墨潘揮淋漓  
穆考追王固舊說吾請助子張其詞南仲功在帝乙日  
北伐獫狁西昆夷常武命卿曰皇父溯其世閭因及之

自文迄宣載三百歷王十二經盛衰安得出車執訊人  
赫赫復建大將旗班書人表並方召其誤或自毛萇滋  
康成箋傳孔疏注是孫是祖不我欺君援顛天散适例  
云此冊命寧王辭直恐五鹿愁折角豈惟匡鼎能解頤  
篆文異同曷足辨無專世惠空爾爲有裨經訓詩乃貴  
何況詩格清而奇手無寸鐵博白戰橫空硬語盤險巖  
嗟余荒畧夙懵學考據未敢強不知自從釋褐忝陪祀  
石鼓屢向橋門窺蝸牛廬邊亦再到但覺寶氣騰雙眉  
吉金樂石肅起敬曾無片語徵羸姬讀君此詩舌本橋  
上聲  
典確博雅真吾師卷還更屬慎保護常防雷電隨蛟  
螭

次韻答花農

孫登何處棲阮籍乃長嘯不遇知音人未可談要妙喟  
然向誰歎荒爾亦徒笑與君三載別昨返自閩嶠海國  
舊煙霞盡入新詩料近者蓮花幕西湖供吟眺相攜題  
襟侶同詠采菱調可憐博雅才連蹇過壯少參軍及記  
室豈有名譽耀莫惜燈火光庶幾鄰壁照

題劉雲房侍郎滌硯圖

文房數家珍首重蒼玉骨硯田誰不蓄所用則非一詞  
客摘藻翰經生穿竇穴華或飾琉璃堅或鑄鑛鐵寒窗  
伴青燈老屋送白髮食報苦草草用功徒搢搢先生大  
雅材靈秀三湘擷書摹鍾衛工文擬曾王潔綺年入詞

館聲望早挺拔起草承明廬紬史廣內室沅陟卿尹階  
鴻業藉黼黻憲府陳利病容臺定典秩是皆大著作詎  
等雕蟲黠硯乎供役使揮灑任磨涅斯文關氣運學使  
實迴幹公以精白懷夙荷

主知結山東及江南聿持文枋迭材憑搜騷裏體必懲  
軋茁爰將似水心施此如椽筆墨濡霑儒林青衿咸服  
悅昔我從公游京華跡最曠雨聲落葉疎月色傳杯密  
每見緇帙旁璋璧遍羅列預恐塵埃汚呼僮勤澡雪今  
茲行笈中攜取亮無缺要令江漢濯莫遣小波刷并乞  
張芝池涓滴潤枯渴

四月之望王蠡臺張雪舫一山三明府招同趙

鑑堂陳桂堂兩郡守陪雲房學使遊橫雲山寧  
圃兵備亦自上海至翼日遂同過青浦讌集曲  
水園夜分送別而返得詩四首

上客不能駐祖觴長短亭林泉紆使節冠蓋動山靈地  
主皆攜鶴浮蹤亦趁萍昨宵隱侯宅已共醉芳醪先一  
夕讌

於沈氏  
園亭

獨領羣峯秀橫陳碧水隈庵因臥雲結堂爲面山開未  
送春卿去先招觀察來諸公登絕頂笑我自崖回

並舫移青浦潮平月滿篙名園隨處有幽興各能豪流  
水穿廊曲層樓抱郭高野人不辭憊奔走看旌旄

連日陪游賞歡悰暢所之依然折柳地倏爾及瓜期學  
使

去歲接松亦路有青衿誦囊無赤壁詩橫雲之旁有小赤壁殊不稱其  
名彩雲飄散處分手悵臨歧

歙人紀兆蕙以煙草唱和詩求題聯吟者其兄

兆芝及女弟兆蓮也爲書二絕

草中煙草昔時無題目鮮新體格殊倘舉鷓鴣蝴蝶例  
姓名應屬淡芭菇

池塘春草夢中諸夏有聯吟紀阿男誦到樓鴉流水句  
底須綾障聽高談

繡佛幢詩三首并引

繡佛幢者鄞縣女子所作也女姓金字於黃未適  
而夫歿女奔喪事舅姑守貞不嫁凡十二年而成

此幢廣三丈高半之上繡五百阿羅漢以丁巳三月朔捨於杭州昭慶寺其功浩而其志苦門人張花農作詩寄示因亦賦之

生來未識兒夫面說著猶銷過客魂十二年中繡床畔苦將鍼指事空門

達摩面壁十年窮弱女偏能篤志同昭慶寺前功德水條條流出淚痕紅

卷來猶帶四明雲展處端爛現應真今日西湖蓮座下讚揚都是比肩人

爲石門顧松泉

修

題畫十七首

讀畫齋圖



少文愛臥遊尺幅萬里縮却把無聲詩時作有情讀

望廬圖

偶出尋溪友行歌返暮村人煙猶未滅稚子已迎門

采芝圖

仙家無餽糧長生訣新授偶商服食方山閒采三秀

擊壤圖

非莛非磬杵席地相拊搏好偕邵堯夫共詠陶唐樂

河干送別

淼淼河流廣垂垂柳色微臨分無別語但問幾時歸

秋水懷人

極浦雲烟曠蒼葭霜露新東流只自去愁殺倚闌人

長林愛日

晴光飛彩翠旭日射長林縱繫扶桑景難酬寸草心  
清宵聽雁

不見一繩影何來嘹唳聲宵長燈欲暗撥觸在原情  
山居讀書

武原有橫山顧況讀書處寥寥一千年復見幽人住

杏花江店

驢背吟鞭舉江邨指杏花春風如有意飄蕩酒旗斜

春山索句

春山不遇人獨步蒼巖上試向此中尋王裴有遺響

攜筇泰岱

世界三千闊齊煙九點開平生看山意須上岱宗來

鼓枻黃河

落日渡黃河臨風發浩歌眼前混茫接胸次屈蟠多

南畝犁雲

躬耕意所欣鄰農告春及叱犢隴畝閒夜來新雨溼

東臯蠶月

門巷蕭然寂家家蠶事興陌頭采桑女可似羅敷能

桂陰課子

芝蘭旣芬馥庭桂陰復美授經轉忘言吾無隱乎爾

竹下娛孫

含飴方弄孫竹風何瀟灑未妨斫數竿教他裁作馬

淞江水 濬河無擾美守令也

淞江水緯湖經泖貫海門湖迭漩環三百里岸痕消長  
俄頃閒朝潮夕汐來無已潮來挾沙至汐退留泥去沙  
停泥積底漸高未礙郊原寬闊處市廛十萬環郡城城  
河如帶交迴縈洩洿流惡利䟽浚十年五載工頻興人  
知開河好那識開河惡郡符縣帖下如雨吏胥里正滔  
滔樂吏胥領符催斂錢里正持帖沿門傳得錢太半且  
分潤官囊吏橐先充然簌簌鼙鼓紛轆轤百肩挑荷千  
指握今日簿來巡明日尉來察不問爬梳丈尺深只向  
人家虛恐喝厭其欲遂報工竣且緣切其實工無十七八  
今年亦開河開河利賴多民工民辦不涉官吏手但令

父老董率無征科有時令尹出弗待鞍馬馱繖蓋屏弗  
御僕役靜弗訶緣隄終日勞奔波兩岸泥淖沒袴鞋忍  
飢忍渴遍咨度情者激勸勤者溫語相煦呵子來距躍  
樂且歌華亭誰麻城王勸婁縣誰仁和張運領以太守  
趙鑑堂喜宜如壘如箴如笙簧又如琴瑟大弦小弦調宮  
商平時但飲淞江一杯水興利攘弊難具詳五旬歲事  
若無事河深尋丈波汪洋少婦暮澣衣老嫗朝接淅聲  
聲但頌使君德不用乘輿濟人學洧溱亦不必穿渠溉  
田似鄭白聽我歌淞江水淞江水流達四鄰司牧之官  
請視此

後漢瓦歌

余無歐陽集古癖世閒好事紛搜剔豈惟金石出幽潛  
每下愈況及瓴甌韋翁昔攜片瓦來云是漢武甘泉材  
余初未信作魯鼎少見多怪資談哈其後客自關中至  
遺我雙筒等重器瓦頭榮榮連瓦身上有未央無極字  
瓦文一曰長樂未央一曰長生無極皆篆體就其輪郭裁作硯磨礪不知砂

礪賤居然几席發古香銅雀香姜安足羨人藏者僞我

弄真此論未公難服人前詩毋乃近鹵莽考訂況有錢

坵坵與申定兆宮廷禁衛逮府寺羅列篆文二十四印成屏

幃爛編紅注以漢書明所自近聞浙江行省掘八甌審

定知是晉惠年拓本徵詩遍流播主人謝傳蘊山賓胡方伯

虔乃知神物顯晦無定形亦如人材應運興瓦文長生

夏長樂輒字永興兼永平吉祥似爲清時頌曲阜無須誇五鳳三輔黃圖舊製存區區豈代陶泓用

書夢樓觀無夜居士張士犖題斷腕將軍朱士

鼎墨蹟歌後書野史一則有感絕句後二首

并序

張獻忠陷湖廣斷男女手足如岡阜論者以爲炙驚掌之報炙驚事具夢樓集中夫以口腹之故驟施慘毒於禽獸此必達官豪族富商巨賈之所爲若菽屋貧民兵荒薦至麤糲且不飽謂駢駢之內家給而戶足乃必無之事以達官豪族富商巨賈戕生縱口腹之爲而殃及於麤糲不飽之貧民彼蒼得毋夢夢雖然天道非夢夢也蓋兩閒不過陰

陽剝復之機潛移而默運亂極則治生極則剋當  
有明季世正陽九百六之會所謂菩薩也救不得  
恐玉臂峯中且未必無斷腕將軍又安論果報獻  
賊之屠川蜀也靡有子遺豈川蜀之民盡食鷺掌  
者耶夢樓意主戒殺故特取野史之說夢樓余畏  
友也以無生之學誘掖者多年而余頑鈍不能從  
豈敢與之譁鬪如野史之說則仁者見仁如余之  
說或亦知者見知而於釋氏戒殺之旨仍未相背  
夢樓其不余訶乎

亂離玉石必俱焚那得家家盡宴賓慘報若論公道在  
只應專戮食鷺人



雙峯玉臂並金蓮  
狼籍殘骸漢水邊  
轉恐草間偷活者  
迴思鶯味尙流涎

何秀齋

浦

饋素心蕙花

嘉客開青眼  
名花得素心  
攜來君子室  
何上美人簪  
數朶淡如許  
一枝香已深  
無言通脈脈  
有恨寫沈沈  
綠綺中聲疊  
黃庭內景臨  
差池論臭味  
蠲潔表胸襟  
未許紅塵染  
剛宜白露侵  
餘芬誰可贈  
悵望楚江潯

送南匯令張一山

桂林

卓薦入都兼寄周侍郎

興岱

三首

侍郎出余門下

一山又侍郎所得士

自紹銅章谷水湄  
所居民樂去民思

一山由婁宰調任

到官復

起隆隆望爲政初  
無赫赫奇多士登龍胸有鏡連村臥

大足生釐似聞輿誦援成語慈愛聰明惠利師  
考績居然奏最新鋒車驛路犯風塵未談西笑瞻雲事  
先睹東歸衣錦身鵠首送潮申浦健馬蹄迎翠嶧山玦  
人生最是還鄉樂何況高堂有老親

我與民心一樣懸祝君陞又怕君遷淵源漫溯嶠岷自  
忠敬難忘醴酒賢誼比門生翻篤摯情於祖道倍經綵  
寄聲染翰西清客可有停雲到日邊

侍郎供奉  
南書房

題秦嶽撫松圖送人東遊

細數天門一萬株近來還有古松無不應千尺陵霜質  
甘拜秦封五大夫

詠史

漫說關西出將材麒麟無乳鳳無胎燕支山外將軍種  
都向平陽給事來

食鱸

亥市漁孃一簇齊鱸材如玉價初低未須元放銅盤釣  
可與東坡赤壁攜菰首蓴絲秋漠漠荻花楓葉雨淒淒  
世間名目偏淆混轉恐紅腮眼易迷別有四腮者無鱗長不滿三四寸天  
寒則出淹糟可以致遠乃冒鱸名耳

寄懷同年施小鐵宗丞二首 時督學楚北

宗卿班秩領彤廷鸚鵡洲邊駐使星老執文衡償苦  
節地當楚望有英靈烽烟尙自驚三戶盜賊原難管六  
經遙想庾樓明月夜一尊愁對暮山青  
時聞湖北逆民尙未戢滅

星霜一別七更除老我江干但索居久絕寒暄通顯達  
更誰蹤跡問樵漁魏三自信非充隱歐九終慚不讀書  
卅卷詩今刻垂就早憑皇甫爲吹噓

在京日君曾評定拙集而序之

華亭司教王鐵夫

芭孫

錄所著詠物詩數十首

貺示并遺夫人曹墨琴筆蹟

揮毫曾賦上林春北郭才名久絕倫博物底慙吳季子  
工書兼得衛夫人鷗波亭遠風流接苜蓿齋荒翰墨新  
我正病居愁索寞眼明何意拜雙珍

故巡檢王君哀辭二章

并引

君諱翼孫字聽夫吳之長洲人官湖北襄陽呂堰  
駙巡檢嘉慶元年正月枝江逆民以邪教倡亂附

和甚眾三月犯及呂堰君隻身抵禦力不交遂被  
害其殉難始末具其兄芑孫所譔行實中余以其  
死事於楚也乃作辭以些之

昊蒼何遺此貔貅兮俾其猖披於光天也維穴蟻之潰

隄兮敢云戒備之弗先也無城隍之可守兮欲食

音嗣士

又無糧日惟圍此土練兮空志氣之激昂賊來窺兮呂

堰駟當大橋兮挺身出不介胄兮短兵接口不絕罵兮

目皆裂賊奮怒兮攢長矛望洪波兮棄屍骨士卒潰兮

印綬失身雖糜兮心不屈豈無羽檄兮將軍桓桓寸援

不至兮戰守兩難知死之不可讓兮惟得死之爲安鳴

呼臣力旣竭兮眇巡檢之一官重爲些日

皇宣兮續紛下慰汝兮幽魂賞延及兮世世永不沫兮  
忠勤詎潛德之弗彰兮有能文之哲昆寡妻兮弱息依  
父母兮相存痛殘骸兮安覓睹遺衣之飄飄定化猿兮  
化鶴猋雲舉以遊鄕儻廟食兮襄漢薦桂醕與蘭肴殊  
不知故鄉之可樂兮余將召巫以招之歸來歸來毋爲  
鬼雄兮其徜徉乎長洲之渌虎阜之椒

題聽松圖

凡人之心必有感託喧寂不同心隨境各靜者所寄澹  
遭以泊天風浩浩長松落落空外傳聲眾響競作壯如  
怒濤纖或管簫几席坐聽遊情冥漠誰可與娛試招仙  
鶴

集歸去來兮辭字題張愛庭

繼曷

東臯舒嘯圖

富貴途非遠田園趣可尋問農聊策杖撫景或攜琴獨  
往松風就有時雲壑臨乃知舒嘯者憂樂不關心

卽事

眼見新霜壓故林鎗然片片落階陰要知今日摧殘意  
卽是當初長養心

哭秋帆尙書二首

幾人善始克全終公望公才兩不同長阪大書平賊績  
教匪陷當陽以中州最著救荒功存心爲國培元氣  
克復功得世職愛士於今見古風不獨峴山紛墮淚  
九重恩卹禮加隆

早從絕頂占蓬萊  
幹濟還兼著作材  
同輩無如君閣下  
小詩難寫我悲哀  
孟嘗門已千人散  
黃憲波真萬頃頽  
惆悵再行吳苑路  
靈巖山館爲誰開

題獅子林

倪迂邱壑幻心胸  
結構蜂房騁蟻封  
似有千巖藏曲院  
絕無寸土長喬松  
有時登降路俱失  
不覺往來人又逢  
行過小橋臨水榭  
隔牆坐聽寺僧鐘

送寧圃伴送琉球貢使出境

中山職貢最輸忠  
歲遣陪臣覲紫宮  
路入江南須館伴  
節臨觀察有威風  
好詩定許雞林購  
左語惟憑象譯通  
倘過西津逢舊雨  
停杯還話大瀛東

夢樓曾系琉球過澗時必相見



也

心蒔移居西郭

敢憑君子頌攸寧轉徙琴書不暫停打槩尙疑桃葉渡  
君二姬皆松人姊妹行也移家忽近菜花溼光陰日月雙飛彈身世  
乾坤一點萍猶喜寓公鄰近在天寒相約倒清醺

歲暮遣興二首

莫惜徂年迫還看樂事賒磨丹點周易浮白酌唐花著  
屐幽人徑彈琴道士家晨朝抱孫至學語正嘔啞  
福本無心乞錢從底處營未知木居士安問孔方兄寡  
欲方除累延年在攝生安期身後事縱得也虛名  
悅親樓詩集卷三十終

男志裘校字